



TÉACSANNA ARNA nGLACADH

P9_TA(2019)0010

Tús a chur le malartú uathoibríoch sonraí i ndáil le sonraí clárúcháin feithicle in Éirinn *

Rún reachtach ó Pharlaimint na hEorpa an 17 Meán Fómhair 2019 maidir leis an dréachtchinneadh cur chun feidhme ón gComhairle maidir le tús a chur le malartú uathoibríoch sonraí i ndáil le sonraí clárúcháin feithicle in Éirinn (07290/2019 – C8-0154/2019 – 2019/0806(CNS))

(Comhairliúchán)

Tá Parlaimint na hEorpa,

- ag féachaint don dréacht ón gComhairle (07290/2019),
 - ag féachaint d’Airteagal 39(1) den Chonradh ar an Aontas Eorpach, arna leasú le Conradh Amstardam, agus d’Airteagal 9 de Phrótacal Uimh. 36 maidir le forálacha idirthréimhseacha ar dá mbun a chuaigh an Chomhairle i gcomhairle le Parlaimint na hEorpa (C8-0154/2019),
 - ag féachaint do Chinneadh 2008/615/CGB ón gComhairle an 23 Meitheamh 2008 maidir le dlús a chur le comhar trasteorann, go háirithe chun an sceimhlitheoireacht agus an choireacht trasteorann a chomhrac¹, agus go háirithe Airteagal 33 de,
 - ag féachaint do Riail 82 dá Rialacha Nós Imeachta,
 - ag féachaint don tuarascáil ón gCoiste um Shaoirsí Sibhialta, um Cheartas agus um Ghnóthaí Baile (A9-0003/2019),
1. ag formheas an dréacht ón gComhairle;
 2. á iarraidh ar an gComhairle a chur in iúl do Pharlaimint na hEorpa má tá sé ar intinn aici imeacht ón téacs a d’fhorghaibh Parlaimint na hEorpa;
 3. á iarraidh ar an gComhairle dul i gcomhairle le Parlaimint na hEorpa athuair má tá sé ar intinn aici an téacs a d’fhorghaibh Parlaimint na hEorpa a leasú go substaintiúil;
 4. á threorú dá hUachtarán a seasamh a chur ar aghaidh chuig an gComhairle agus chuig

¹ IO L 210, 6.8.2008, lch. 1.

an gCoimisiún.